

Leabhrán Eolais 2022



Ag Tacú leis an
Inbhuanaithe
Spriocanna Forbartha



A Oibrithe Deonacha Bailte Slachtmhara, a chairde,

Fáilte chuig comórtas Bailte Slachtmhara SuperValu 2022.

Ó tharla go bhfuil maolú déanta ar an gcuid is mó de shrianta Covid-19, táim sásta, mar atá sibhse táim cinnte, go bhfuil an comórtas ar ais mar a bhí. Tá buíochas ar leith le gabháil libhse go léir as a n-iarrachtaí le dhá bhliain anuas. Cé nach bhfuil deireadh fós leis an bpaindéim, is féidir dul i mbun ár gcuid oibre mar ba ghnách.

Cheap mo Roinnse roinnt Moltóirí nua le déanaí a bheidh le teacht ar an bpainéal reatha agus a bheidh ag fáil faoi réir don seanphróiseas moltóireachta i mí Meithimh agus Iúil.

Mar chuid de chomórtas na bliana seo, leanfaimid d'aitheantas a thabhairt don obair as cuimse a dhéanann grúpaí Bailte Slachtmhara agus na mílte oibrithe deonacha a oibríonn leo ar fud na tíre. Obair i réimsí amháil an dúlra agus an bhithéagsúlacht, ag cothabháil limistéir ghlasa, ag cur slacht ar shráideanna cónaithe agus limistéir thithíochta na tíre agus an dícheall iontach a dhéanann siad chun bailte agus sráidbhailte na tíre a choinneáil slachtmhar, glan agus néata. Is deas-scéala é an bealach inar chomhnasc grúpaí Bailte Slachtmhara a dtionscadail le Cuspóirí maidir le Forbairt Inmharthanach na Náisiún Aontaithe agus mholfainn daoibh go léir leanúint de sin a dhéanamh. Cuimhnigh, Cuimhne ar an Domhan Mór, Déan Beart Áitiúil, agus beimid ábalta nithe iontacha a bhaint amach le chéile.

Tá grúpaí Bailte Slachtmhara agus a gcuid tionscnamh ag tacú go mór le bearta i "Todhchaí Cheantair Thuaithe na hÉireann" agus i bpolasaithe "Lár an Bhaile ar dTús".

Trí bheith ag obair as lámha a chéile, féadfaimid difear mór a dhéanamh i gCeantair Thuaithe na hÉireann – ag cur brí agus beocht ar ais i gceartlár Bhailte agus Sráidbhailte na hÉireann.

Bhí mé an-sásta a bheith ábalta beart maoinithe €1.5 milliún a fhógairt ag searmanas na ngradam i mí na Samhna 2021 chun cuidiú le grúpaí Bailte Slachtmhara lena dtionscnaimh. Tá súil agam go dtacódh an maoiniú sin libh bhur n-iontráil i gcomórtas na bliana 2022 a ullmhú. Tá mo Roinnse anseo chun tacú libh ar bhealaí eile tríd an Lámhleabhar a athdréachtáid le déanaí, Nuachtlitir Bailte Slachtmhara agus ár leathanaigh Meán Sóisialta.

Tá meascán iontach de ghradaim speisialta againn arís i mbliana agus gradaim nua as an bpíosa againn don bhliain 2022. Mholfainn do gach grúpa iarratas a dhéanamh ar na gradaim sin. Tabhair ar aird go bhfuil an spriocdháta i leith na ngradam níos déanaí rud a thabharfaidh beagán níos mó ama daoibh.

Mar fhocal scoir, ba mhaith liom buíochas a ghlacadh lenár bpríomhurrathóir, SuperValu, atá ag déanamh urraíochta ar an gcomórtas le breis is 30 bliain. Ba mhaith liom buíochas a ghabháil le hurraitheoirí an ghradaim speisialta, an painéal moltóirí neamhspleách ach thar aon dream eile, ba mhaith liom buíochas ó chroí a ghabháil leis na mílte oibrithe deonacha Bailte Slachtmhara a bhfuil an tír go mór faoi chomaoin acu.

Mar fhocal scoir, ba mhaith liom gach rath a ghuí oraibh go léir i gcomórtas na bliana 2022.



Rialtas na hÉireann
Government of Ireland

Heather Humphreys TD

An tAire Forbartha Tuaithe agus Pobail

Foirm Iontrála Bailte Slachtmhara SuperValu 2022 – Réamhrá Ian Allen

Is miondíoltóir pobail é SuperValu, agus táimid fiormhórtasach as tionchar dearfach a imirt i ngach pobal ina n-oibrímid. Creidimid go bhfuil deis i gcónaí ann tuilleadh a dhéanamh.

Is í seo an 31ú bliain as a chéile againn ag tabhairt urraíochta do Bailte Slachtmhara SuperValu. Táthar ag cur lenár ngealltanas tacú le pobail áitiúla ar fud na tíre gach bliain agus is mó agus is mó mórtas atá ar SuperValu as clár Bailte Slachtmhara SuperValu dá bharr sin. Tá an tionchar dearfach atá gníomh pobail ábalta a imirt ar shráidbhailte, ar bhailte, ar thimpeallacht agus go bunúsach ar bhithéagsúlacht na tíre feicthe agam. Leanann an comórtas seo den athrú sin a bhrú chun cinn.

Is é misean SuperValu a bheith níos fearr mar ghnólacht agus cuidiú le pobail bhríomhara agus inbhuanaithe a chruthú a thugann aire dár bpláinéad. Cuireann inbhuanaitheacht le caighdeán saoil, tugann cosaint d'éiceachóras na tíre agus caomhnaíonn acmhainní nádúrtha do na glúnta atá le teacht agus tá SuperValu an-dáiríre faoin bpáirt a ghlacann sé cuidiú leis an tionchar dearfach sin a bhaint amach. I bhfianaise an áit atá ag SuperValu i gcroílár pobal, tuigimid nuair a dhéanaimid athrú go bhféadfadh sin cur, ar bhealach dearfach, le bailte agus sráidbhailte i ngach contae in Éirinn chomh maith le tionchar a imirt orthu.

Mar sin, i Márta 2022, i comhar leis an bPlean Pailneora Uile Éireann, sheolamar feachtas Sábháil na Beacha SuperValu chun ár ndícheall a dhéanamh feachtas a ardú ar an tábhacht a bhaineann le pailneoirí agus tacú le bithéagsúlacht áitiúil i bpobail ar fud na hÉireann. Ba mhaith linn ár gcuid a dhéanamh maidir le gníomhú ar son na haeraíde agus áirítear air sin lámh chúnta a thabhairt nuair is féidir i leith na bithéagsúlachta agus na hinbhuanaitheachta.

Tá áit ar leith ag Bailte Slachtmhara SuperValu i gcultúr na hÉireann. Cuireann grúpaí Bailte Slachtmhara SuperValu lena bpobail ar bhealaí atá praiticiúil agus cruthaitheach chun slacht a chur ar a mbailte agus sráidbhailte. Ar dtús ba mhaith liom buíochas a ghlacadh leosan a raibh baint acu le Bailte Slachtmhara roimhe seo agus leis na hoibrithe deonacha atá ag leanúint d'fheabhas a chur ar a gceantar le go mbeadh sé ina áit iontach le cónaí ann, le bheith ag obair ann agus le cuairt a thabhairt air; rud a chruthaíonn mórtas áite dóibhsean abhfuil cónaí orthu sa cheantar. Dé réir mar a bhogaimid ar aghaidh, táimid tiomanta d'athrú ó bhonn a dhéanamh ar Bailte Slachtmhara SuperValu chun go mbeidh sé ar an tionscnamh is inbhuanaithe san Eoraip agus táimid mórtasach as an tionchar dearfach a bhíonn aige i ngach baile sa tír trína 800 coiste a dtacaímid leo.

Tá an-ríméad orainn go bhfuil tacaíocht leanúnach na Roinne Forbartha Tuaithe agus Pobail agus an Aire Heather Humphreys T.D. againn. Comórtas hibrídeach a bhí i gcomórtas Bailte Slachtmhara SuperValu le dhá bhliain anuas, agus, mar sin, táimid ag súil le dul ar ais chuig cúrsaí mar a bhí agus cuairt a thabhairt ar bhailte agus ar shráidbhailte ar fud na tíre arís an samhradh seo don phróiseas moltóireachta. Thar ceann gach duine ag SuperValu, ba mhaith liom gach uile rath a ghuí oraibh i gcomórtas na bliana seo.

Ian Allen

Stiúrthóir Bainistíochta, SuperValu



Fáilte

Fáilte chuig comórtas Bailte Slachtmhara SuperValu 2022. Cuirfear an t-eolas go léir a theastaíonn uait ar fáil sa leabhrán seo le d'iontráil ar chomórtas Bailte Slachtmhara SuperValu 2022 a chomhlánú agus a chur ar aghaidh. Cuirfear na téarmaí agus coinníollacha ar fad a bhaineann leis an gcomórtas ar fáil chomh maith. Tá eolas ar fáil sa leabhrán seo freisin ar gach aon cheann de na gradaim speisialta a bhaineann le comórtas na bliana 2022. Is féidir tuilleadh eolais, lena n-áirítear léarscáileanna, grafpháipéar léarscáile agus Lámhleabhar Bailte Slachtmhara SuperValu, a fháil trí chuairt a thabhairt ar www.tidytowns.ie.

AN tSLÍ LE d'FHOIRM IARRATAIS DO CHOMÓRTAS BAILE SLACHTMHARA SUPERVALU 2022 A CHOMHLÁNÚ

Is féidir an leagan WORD den fhoirm iontrála ar féidir eagarthóireacht a dhéanamh uirthi a fháil ag www.tidytowns.ie. Bí cinnte go léann tú an leabhrán seo sula gcomhlánaíonn tú an fhoirm iontrála.

Sínigh/cuir d'ainm agus an dáta leis an bhfoirm iontrála sa chuid 'Eolas Faoi do Bhaile' agus cinntigh go bhfuil na 8 catagóir comhlánaithe agat.

Nuair atáthar ag seoladh d'iontráil ar ríomhphost ba cheart é a bheith in aon ríomhphost amháin agus níor cheart dó a bheith os cionn 20MB. Déan seolta agus spam a sheiceáil i do chuntas ríomhphoist chun a chinntiú go bhfuil an ríomhphost seolta.

Uaireanta, is fearr gan an iomarca eolais a chur ar aghaidh. Tá teorainn ar an méid ama a bhíonn ag an Moltóir chun do chuid oibre a athbhreithniú le linn moltóireachta agus, mar sin, ba chóir don ábhar a bheith soiléir agus gonta.

D'fhéadfadh gurb é seo an chéad uair ag an moltóir moltóireacht a dhéanamh ar do bhaile nó sráidbhaile. Cinntigh mar sin go bhfuil léarscáil de do cheantar leis. Tá fáilte romhat mapa ó lámh a chur ar aghaidh chomh fada is go bhfuil eochair eolais ag dul leis agus go bhfuil na séadchomharthaí mór le rá marcáilte air in éineacht le do chuid tionscadail go léir do 2022.

Bíodh do phlean bliantúil Bailte Slachtmhara 3/5 in éineacht le d'iarratas.

Sonraigh ar d'Fhoirm Iontrála gach tionscadal Nua (M) nó Cothabhála (M) faoin gcatagóir cheart agus ar eochair eolais do léarscáile. Mura bhfuil aon obair nua faoi aon chatagóir moltóireachta scríobh 'níl aon obair nua i gceist i mbliana'. Ní ghlacfar le hiontrálacha déanacha ná le hábhar a sheoltar i ndiaidh an spriocdháta. Ba cheart Iontrálacha Comhlánaithe a sheoladh ar ríomhphost chuig: tidytowns@drctd.gov.ie

Dé hAoine an 20
Bealtaine 2022
an dáta deiridh a
nglacfar le hiarratas

Tabhair do d'Aire

Ní mór do gach iarrthóir www.tidytowns.ie a chinntiú go bhfuil a n-iontráil do chomórtas na bliana 2022 faighte agus cláraithe. Déanfar gach iontráil chláráithe a uasdátú ar láithreán gréasáin na mBailte Slachtmhara go rialta. Mura mbeidh d'iontráil cláraithe i ndiaidh an 27 Bealtaine déan teagmháil le hAonad na mBailte Slachtmhara trí ghlaoch a chur ar an uimhir 01 773 6938, mura ndéantar sin d'fhéadfaí nach mbeadh d'iontráil cláraithe do chomórtas na bliana 2022.



Clúdaíonn na Spriocanna Forbartha Inbhuanaithe (SDGanna) na trí ghné d'fhorbairt inbhuanaithe; fás eacnamaíoch, cuimsiú sóisialta agus cosaint an chomhshaoil. Tá 17 SDG ann. Tríd an bhfoirm iontrála feicfidh tú cá bhfuil go leor de na haidhmeanna ailínithe leis na catagóirí éagsúla Bailte Slachtmhara. Sainaithin, más infheidhme, faoi gach catagóir ina bhfuil sé mar aidhm ag do thionscadail nó do thionscnaimh aghaidh a thabhairt ar cheann amháin nó níos mó de na haidhmeanna inbhuanaithe.

Tá naisc ag an gcomórtas Bailte Slachtmhara le go leor de na haidhmeanna agus ba mhaith linn fáilte a chur roimh aon iarracht a dhéanann coistí Bailte Slachtmhara aird a tharraingt ar na haidhmeanna sin agus feachtas a mhúscailt ina leith i do phobal. Is féidir tuilleadh faisnéise faoi na SDGanna a fháil trí chuairt a thabhairt <https://www.gov.ie/en/policy-information/ff4201-17-sustainable-development-goals/>

Bailte Slachtmhara SuperValu – Téarmaí agus Coinníollacha 2022

1. Is ionann na téarmaí agus coinníollacha seo chomh maith leis na treoirlínte a leagtar amach i Lámhleabhar Bailte Slachtmhara SuperValu nó ar Fhoirm Iontrála Bailte Slachtmhara SuperValu agus rialacha an chomórtais (“na Rialacha”). Trí iarratas a dhéanamh ar an gcomórtas glacann iontrálaithe leis na Rialacha.
2. An Roinn Forbartha Tuaithe agus Pobail (“an Roinn”) a eagraíonn Comórtas Bailte Slachtmhara SuperValu (“an Comórtas”). Sa chás go mbeadh aon díospóid ann, is é cinneadh na Roinne an cinneadh deiridh.
3. Chun iarratas a dhéanamh ar an gComórtas, ní mór gur comhlacht atá a déanamh iarratais thar ceann baile, sráidbhaile, oileán nó ceantair aonair (“baile”) an t-iontrálaí agus é a bheith ag obair i dtreo a bheith ionadaíoch ar gach earnáil atá ag cur fúthu nó ag obair sa bhaile.
4. Ní cheadaítear ach iontrálaí amháin in aghaidh gach baile. Sa chás go bhfuil níos mó ná iontrálaí amháin i mbaile, roghnaíodh an Roinn, dá lánrogha féin, iontrálaí amháin díobh le bheith páirteach sa Chomórtas.
5. Ba chóir iontrálacha a dhéanamh ar an mbealach agus faoin dáta deiridh a shonraítear. Ní ghlacfar le hiontrálacha déanacha. Coinnigh an cháipéisíocht tacaíochta chomh achomair agus is féidir go bhfuil an t-am atá ag Moltóirí chun an t-ábhar a athbhreithniú teoranta agus dá bhrí níor cheart ach ábhar a bhaineann leis na tionscadail atá le breithniú a chur ar fáil.
6. Ní mór iontrálacha a sheoladh ar aghaidh go leictreonach chuig **tidytowns@drcd.gov.ie** ar an dáta deiridh a nglacfar le hiarratais nó roimhe, ba cheart don iontráil a bheith in aon ríomhphost amháin agus níor cheart dó a bheith os cionn 20MB. **Ní féidir iontrálacha a sheoladh ar aghaidh trí DropBox, comhroinnt Comhad Google nó trí aon mhodh comhroinnte comhad eile.**
7. Ba chóir tagairt shoiléir a dhéanamh don chatagóir oiriúnach sa bhfoirm iontrála i gcás gach eolas breise. Tá fáilte curtha ag moltóirí roimh go mbeifear ábalta naisc chuig láithreáin ghréasáin nó chuig ardáin meán sóisialta a chur san áireamh, a bheidh ábalta tacú le do ghníomhaíochtaí nó chun eolas breise a thabhairt. Ba cheart naisc a chur san áireamh chun tacú le hábhar a chuirtear ar fáil san fhoirm iontrála amháin agus ba cheart a laghad naisc agus is féidir a bheith i gceist. Tá tréimhse ama teoranta ag moltóirí chun athbhreithniú a dhéanamh ar an ábhar a chuirtear ar fáil, cuimhnigh, is fearr gan an iomarca ábhair a chur ar aghaidh. Molaimid go n-aithneofaí gach grianghraf, tagairt a dhéanamh dóibh ar fad go soiléir le heolas ar na tionscadail nó tionscnaimh éagsúla agus an dáta ar ar tógadh an grianghraf.
8. Eiseofar ríomhphost ó sheoladh ríomhphoist Bailte Slachtmhara na Roinne chuig gach comhfhreagras a fhaightear maidir le hiontrálacha na bliana 2022. Déanfar liosta a uasdátú go rialta ar láithreán gréasáin Bailte Slachtmhara ar a mbeidh na hiontrálacha ar fad a bheidh cláraithe do chomórtas na bliana 2022. Ní mór do gach iarrthóir cuairt a thabhairt ar www.tidytowns.ie chun a chinntiú go bhfuil a n-iontráil do chomórtas na bliana faighte agus cláraithe. Mura mbeidh d'iontráil cláraithe seachtain i ndiaidh an spriocdháta; déan teagmháil le hAonad na mBailte Slachtmhara trí ghlaoh a chur ar an uimhir 01 773 6938, mura ndéantar sin d'fhéadfaí nach mbeadh d'iontráil cláraithe do chomórtas na bliana 2022.
9. Bronntar marcanna ar chaighdeán na foirme iarratais. Ní mór don fhoirm a bheith gonta agus tagairt a dhéanamh go soiléir uirthi do gach obair ar tugadh faoi ó lúil 2021. Maidir le tionscadail nua nó cothabhála, tá sé tábhachtach go dtabharfaí mionsonraí maidir lena suíomh agus chun iad a aithint. Chuige sin, cinntigh le do thoil;
 - Go bhfuil suíomh gach tionscadal ar leith marcáilte ar an léarscáil nuair is cuí. Ní gá go mbainfeadh sé seo le nithe áirithe – obair suirbhé mar shampla.
 - Tabhair cuntas gearr ar an tionscadal agus tabhair mionsonraí oiriúnacha.
 - Tabhair le fios cén uair a thosaigh an obair agus cén uair a chríochnaigh sí, nó i gcás tionscadail leanúnacha nó fadtéarmacha an dáta a mheasfar a thabharfar chun críche iad.

10. Tá sé riachtanach go mbeadh léarscáil mhaith den bhaile nó den tsráidbhaile le d'iarratas. Tá glacadh gan amhras le léarscáil ó lámh mura bhfuil teacht ar léarscáil fhoirmeálta priontáilte nó mura bhfuil a leithéid oiriúnach. Ba chóir don léarscáil a bheith inlámhsithe agus de mhéid A4 nó A3 ag brath ar leagan amach do bhaile nó do shráidbhaile. Bíodh gach sráid agus bóthar ar an léarscáil ainmnithe de réir mar is gá agus bíodh foirgnimh phoiblí agus séadchomharthaí marcáilte. Níl sé molta léarscáil Google a úsáid mar nach mbíonn sé soiléir/cruinn go minic. D'fhéadfadh gur mó úsáide a bheadh in Léarscáil 'Áite' Uirbeach (nó Tuaithe mar is infheidhme) de chuid Shuirbhéireacht Ordanáis Éireann. Tá eochair eolais shoiléir ina cuid thábhachtach den léarscáil agus moltar duit eochair eolais a bheith ar bhileog na léarscáile féin. Nuair a bheidh uimhreacha á gcur ar thionscadail, ba chóir duit uimhir a 1 a thabhairt ar do chéad tionscadal faoi Sráid-Dreach & Áiteanna Poiblí, agus ba chóir an tsraith uimhriúil sin a chur i bhfeidhm sna catagóirí ina dhiaidh sin. Níor cheart na huimhreacha céanna a úsáid arís Mura mbeidh léarscáil leordhóthanach ar fáil d'fhéadfaí go gcaillfí marcanna faoin gcatagóir An Pobal – Pleanáil agus Rannpháirtíocht
11. Is féidir gur an-chúnamh iad grianghraif don mholtóir. Is cuidiú mór iad grianghraif a thógfaí roimh an obair agus i ndiaidh na hoibre. Ní mholtar ach dhá grianghraf de gach tionscadal nua a áireamh. Má bhíonn tú ag cur grianghraif san áireamh, molaimid duit iad a chur san áireamh leis an bhfoirm faoin gcatagóir ábhartha nó mar aguisín leis an bhfoirm i gcáipéis WORD, is féidir leat suas le 6 grianghraf a chur ar leathanach A4 go héasca. Cuimhnigh teideal a chur ar gach grianghraf chun go mbeidh a fhios ag an moltóir an tionscadal dá bhfuil sé ag tagairt.
12. Painéal moltóirí arna gceapadh ag an Roinn a roghnóidh buaiteoirí na nduaiseanna. Mura bhfuil a mhalairt ráite, is ar an iontrálaí a bhronnfar na duaiseanna.
13. Scrúdóidh an moltóir tionscadail nua nó tionscadail chothabhála a beidh tugtha chun críche idir an 1 Iúil 2021 agus an 20 Bealtaine 2022 (spriocdháta an chomórtais). Tosóidh an mholtóireacht 2 seachtain i ndiaidh an spriocdháta.
14. Fógrófar na buaiteoirí i R4 2022 agus bronnfar duaiseanna ar dhátaí arna gcinneadh ag an Roinn. Sa chás go mainnítear glacadh le duais ar an mbealach a shonraíonn an Roinn d'fhéadfaí an duais a tharraingt siar nó buaiteoir eile a roghnú. Forchoimeádann an Roinn an ceart duaiseanna a athrú/a ionadú ag aon am.
15. Ní féidir leis an Roinn freagracht a ghlacadh i leith aon damáiste, caillteanas, díobháil nó díomá a bhainfeadh d'aon iontrálaí a chuirfidh isteach ar an gComórtas nó mar thoradh ar ghlacadh le duais.
16. Ní bhainfear leas as an bhfaisnéis a chuirfear ar fáil ach chun críocha an Comórtas a eagrú agus a chur chun cinn agus aon tionscnamh bainteach. Roinnfear sonraí teagmhála coistí leis na hurraitheoirí agus leis an gcuideachta clódóireachta ar mhaithe le comhfhreagras poist leis na coistí. Scriosfar na sonraí sin i ndiaidh gach cor poist. Déanfar sonraí teagmhála ó choistí a scriosadh i ndiaidh 3 bliana de réir threoirlínte GDPR.
17. Is ionann príomhdhuaiseanna agus duaiseanna a bhronntar ar iontrálaithe de bhua a scór foriomlán sa Chomórtas, arna measúnú faoi na catagóirí seo a leanas:

Struchtúr Marcála Catagóirí

- An Pobal-Pleanáil agus Rannpháirtíocht 80
- Sráid-Dreach & Áiteanna Poiblí 80
- Áiteanna Glasa & Tírdhreachú 80
- An Dúlra & An Bhithéagsúlacht i do Cheantar 55
- Inmharthanacht – Mórán ar an mbeagán 55
- Slacht & Smacht ar Bhruscar 90
- Sráideanna a bhfuil Cónaí & Ceantair Tithíochta 55
- Bóithre Isteach, Sráideanna & Lánaí 55

lomlán 550

18. Is ionann duaiseanna agus duais airgid agus teastas mura ndeirtear a mhalairt.
19. Bronntar an gradam foriomlán, An Baile is Slachtmhaire in Éirinn ar an iontrálaí leis an scór is airde sa Chomórtas. Chomh maith le duais airgid agus teastas, faigheann an buaiteoir an buanchorn (a chaithfear a thabhairt ar ais ina dhiaidh sin don Roinn arna iarraidh), chomh maith le plaic agus maoiniú i leith lá ceiliúrtha an bhliain ina dhiaidh sin. Tá sé tábhachtach go ndéanfa iarratas faoin gCatagóir Daonra ceart.
20. Bronntar na gradaim An Sráidbhaile is Slachtmhaire, An Sráidbhaile Beag is Slachtmhaire, An Baile Beag is Slachtmhaire, An Baile Mór is Slachtmhaire agus an tIonad Uirbeach Mór is Slachtmhaire ar an iontrálaí leis an scór is airde sna catagóirí daonra A & B, C & D, E & F agus G & H faoi seach. Chomh maith le duais airgid agus teastas, faigheann an buaiteoir buanchorn a chaithfear a thabhairt ar ais ina dhiaidh sin don Roinn arna iarraidh. Tá sé tábhachtach go ndéanfa iarratas faoin gcatagóir daonra ceart.
21. Is seo a leanas na catagóirí daonra;

Catagóir Daonra	Daonra
A	Faoi 200
B	201 go 1,000
C	1,001 go 2,500
D	2,501 go 5,000
E	5,001 go 10,000
F	10,001 go 15,000
G	15,001 go 25,000
H	25,001 agus thairis

22. Bronntar na Gradaim Réigiúnacha ar an iontráil a thagann sa chéad áit i ngach ceann de na réigiúin seo a leanas:

Réigiún	Contaetha
Lár Tíre & an tOirthear	Baile Átha Cliath, Cill Dara, Laois, An Longfort, Lú, An Mhí, Uíbh Fhailí, An Iarmhí, Cill Mhantáin
An tIarlthuaisceart & an tIarthar	An Cabhán, Dún na nGall, Liatroim, Muineachán, Sligeach, Gaillimh, Maigh Eo, Ros Comáin
Deisceart & Meán-Iarthar	Corcaigh (Thuaidh), Corcaigh (Theas), Corcaigh (Iarthar), Ciarraí, An Clár, Luimneach
An tOirdheisceart	Ceatharlach, Cill Chainnigh, Tiobraid Árann (Thuaidh), Tiobraid Árann (Theas), Port Láirge, Loch Garman

23. Bronntar na Gradaim Contae ar iontrálaithe sa dara agus sa chéad áit i ngach contae, (tá Tiobraid Árann roinnte in dhá chuid Thuaidh agus Theas agus Corcaigh i dtrí chuid Thuaidh, Theas agus Thiar) Bronntar an Gradam Endeavour ar iontrálaí i ngach contae a rinne an céatadán dul chun cinn is mó ar scór na bliana roimhe sin.
24. Bronntar Bonn Óir, Airgid nó Cré-Umha ar iontrálaí le scór atá ag teacht faoi réimse sonrach marcanna ó mharc bhuaiteoir foriomlán an chomórtais mar seo a leanas;

Ór / Airgead / Cré-umha.

Daonra A&B laistigh de 5 / Laistigh de 10 / Laistigh de 15

Daonra C&D laistigh de 10 / Laistigh de 15 / Laistigh de 20

Daonra E&F laistigh de 15 / Laistigh de 20 / Laistigh de 30

Daonra G&H laistigh de 20 / Laistigh de 30 / Laistigh de 40

25. D'fhéadfadh go dtiocfadh tionscnaimh eile chun cinn ó am go ham agus déanfaidh an Roinn teagmháil le bailte incháilithe de réir mar is gá.

Bailte Slachtmhara SuperValu – Gradaim Speisialta 2022

Tá ríméad orainn roinnt urraitheoirí nua a fhógairt faoin gcatagóir Gradaim Speisialta 2022. Tabharfaidh an t-eolas seo a leanas tuiscint duit ar na gradaim éagsúla agus an duais a théann le gach aon cheann díobh. Má bhíonn aon deacrachtaí agat teacht ar fhoirmeacha iarratais d'aon cheann de na gradaim speisialta, déan teagmháil le hAonad na mBailte Slachtmhara trí ríomhphost a sheoladh chuig tidytowns@drdcd.gov.ie nó chuig ríomhphost na n-urraitheoirí a chuirtear ar fáil. Má rinne tú ag déanamh iarratas ar cheann amháin nó níos mó de na Gradaim Speisialta a bhaineann le catagóir Bailte Slachtmhara ba chóir sin a chlárú mar thionscadal ar d'Fhoirm Iontrála Bailte Slachtmhara Supervalu 2022.

Tabhair do d'aire gur cheart na foirmeacha iontrála comhlánaithe maidir leis na gradaim speisialta éagsúla a sheoladh chuig an ríomhphost a chuirtear ar fáil agus gan iad a sheoladh chuig Aonad na mBailte Slachtmhara.

GRADAM CHAOMHNÚ IALTÓG ÉIREANN

DUAISCHISTE €1,000

Urraithe ag Caomhnú Ialtóg Éireann

Is é is cuspóir leis an ngradam seo urraíocht a thabhairt do mhúrpheictiúr poiblí nó saothar ealaíne sráide trína gcuireann an pobal feachtas chun cinn ar an luach eacnamaíochta agus éiceolaíochta a bhaineann leis an ialtóg. Is iontach iad na hialtóga! Téama an mhaisiúcháin. Is ionann an gradam agus coimisiún ealaíne ar fiú €1,000 é i dtreo an tionscadail.

Chun iarratas a dhéanamh, beidh ar an gcoiste Bailte Slachtmhara cur síos gearr a chur ar aghaidh ar an íomhá (c. 300 focal) mar aon leis an áit a bhfuil sé beartaithe an íomhá a chur, toisí na híomhá, agus sceitse nó líníocht gharbh den íomhá. Is féidir grianghraif a chur ar aghaidh chun tacú le d'iarratas. Ba cheart iontrálacha a chur ar aghaidh ag úsáid fhoirm iarratais Chaomhnú Ialtóg Éireann.

Ba cóir gur áit phoiblí an áit atá beartaithe an íomhá a chur, áit é a mbíonn líon maith daoine ag teacht agus ag imeacht as go rialta agus go mbeidh leanaí agus teaghlaigh ábalta sult a bhaint as. Ba cheart go mbeadh i gceist leis an íomhá machnamh agus comhrá a spreagadh. Moltar comhpháirtíochtaí agus comhoibriú tionscadal le healaíontóirí áitiúla, scoileanna, eagraíochtaí agus grúpaí pobail eile.

Is féidir tuilleadh eolais a fháil ar www.tidytowns.ie nó ar <https://www.batconservationireland.org/>

GRADAM THIONSCADAL NA GCRRANN

DUAISCHISTE €1,000

Urraithe ag Comhairle Crann na Éireann

Tugann Gradam Thionscnamh na gCrann aitheantas don tionchar ollmhór a bhíonn ag crainn atá sa suíomh ceart i mbaile nó sráidbhaile agus an tábhacht atá leis an gcrann ceart a bheith san áit cheart. Tá sé tábhachtach go smaointeofaí go cúramach, ní hamháin ar an gcur, ach freisin ar bhainistiú na gcrann le linn a saolré. Bronntar an gradam ar an gCoiste Bailte Slachtmhara a léireoidh na caighdeáin is airde i dtaobh shuíomh na gcrann agus cothabháil crann.

Chun tuilleadh eolais a fháil féach ar www.treecouncil.ie

AN GRADAM GNÍOMHAITHE AR SON NA HAERÁIDE

DUAISCHISTE: €6,000

Urraithe ag an Roinn Comhshaoil, Aeráide agus Cumarsáide

Is é an sprioc fhoriomlán atá leis an nGradam Gníomhaithe ar son na hAeráide, urraithe ag an Roinn Comhshaoil, Aeráide agus Cumarsáide, aitheantas a thabhairt don méid atá pobail áitiúla a dhéanamh chun aghaidh a thabhairt ar athrú aeráide. Is é is cuspóir leis an ngradam seo feachtas a ardú ar ghníomhú ar son na haeráide, pobail áitiúla a chumasú le hathrú a dhéanamh ag leibhéal áitiúil agus athrú iompair a chur chun cinn sa phobal níos leithne.

Bronnfar ceithre dhuais:

1. €2,250 don iontráil is fearr ó shráidbhaile/baile beag (Catagóir A go D)
2. €2,250 don iontráil is fearr ó bhaile mór nó lárionad uirbeach (Catagóir E go H)
3. €1,000 don té a thiocfaidh sa dara háit agus
4. €500 don té a thabharfaidh leis an Gradam Óige speisialta.

Tá tuilleadh eolas le fáil ach ríomhphost a sheoladh chuig Climateawards@decc.gov.ie

AN GRADAM CÁILÍOCHTA AEIR

DUAISCHISTE €3,000

Urraithe ag an Roinn Comhshaoil Aeráide agus Cumarsáide

Tugann an Gradam Cáilíochta Aeir aitheantas don mhéid a dhéanann grúpaí Bailte Slachtmhara chun aghaidh a thabhairt ar shaincheistanna cáilíochta aeir a bhaineann lena n-áit féin. Is é is cuspóir leis an ngradam seo béim a leagan ar an gcaoi a bhfuilimid ar fad ábalta gníomh a ghlacadh chun feabhas a chur ar cháilíocht aeir inár gceantar féin, ar mhaithe le cách.

Bronnfar ceithre dhuais:

1. €1,000 don iontráil is fearr ó shráidbhaile/baile beag (catagóir A go D)
2. €1,000 don iontráil is fearr ó bhaile mór nó lárionad uirbeach (Catagóir E go H)
3. Dhá dhuais dara háit de €500, a d'fhéadfaí a bhronnadh ar iontrálacha ó aon chatagóir.

Tá tuilleadh eolas le fáil ach ríomhphost a sheoladh chuig airquality@decc.gov.ie

GRADAM NA GCUSPÓIRÍ MAIDIR LE FORBAIRT INBHUANAITHE

DUAISCHISTE €6,000

Urraithe ag an Roinn Comhshaoil Aeráide agus Cumarsáide

Is ionann Cuspóirí maidir le Forbairt Inmharthanach (SDGanna) agus sraith spriocanna a dteastóidh gníomh ina leith, ní hamháin ón Rialtas ach ó dhaoine aonair ar fud na sochaí. Is é is cuspóir leis an ngradam seo ardán a thabhairt do thionscadail agus tionscnaimh a ghlac go fonnmar leis na SDGanna, agus aitheantas a thabhairt don ról rithabhachtach atá ag pobail áitiúla chun na SDGanna a bhaint amach faoin mbliain 2030.

Bronnfar sé dhuais:

1. €2,000 don iontráil is fearr ó shráidbhaile/baile beag (catagóir A go D)
2. €2,000 don iontráil is fearr ó bhaile mór nó lárionad uirbeach (Catagóir E go H)
3. Ceithre dhuais dara háit de €500 an ceann, péire ó gach aon cheann de na catagóirí thuas

Tá tuilleadh eolas le fáil ach ríomhphost a sheoladh chuig SDGs@decc.gov.ie

GRADAM FEASACHTA MAIDIR LE BRUSCAR AGENT BRITE

DUAISCHISTE €7,000

Urraithe ag PEL Waste Reduction Equipment

Tá ríméad ar PEL i mbliana leanúint d'urraíocht a dhéanamh ar an nGradam Feasachta maidir le Bruscar Agent Brite le Comórtas Náisiúnta na mBailte Slachtmhara. Déanfaidh PEL urraíocht ar dhá BriteBins™ a bhronnadh ar ghrúpa Bailte Slachtmhara amháin. Bronnfaidh PEL Smart Solar Compacting BriteBin™ amháin agus PEL IoT BriteBin™ amháin ar an ngrúpa Bailte Slachtmhara a thabharfaidh an gradam leis. Beidh teicneolaíocht BriteBin™ comhtháite suiteáilte sna boscaí bruscair chun monatóireacht a dhéanamh ar leibhéal líonta na mboscaí bruscair i bhforam. Cuirfear na boscaí bruscair sa bhaile nó sráidbhaile a thabharfaidh leis an gradam agus cuirfidh PEL Waste Reduction Equipment ceardlanna ar siúl sa phobal áitiúil (Scoileanna, eagraíochtaí pobail etc.) chun coincheap Agent Brite a chur chun cinn agus chun athchúrsáil agus tú amuigh a spreagadh trí bhruscar a dheighilt ag an bhfoinse.

Aighneacht scríofa a bheidh san iarratas ina ndéanfar cur síos ar do chur chuige Bailte Slachtmhara maidir le bainistiú bruscair agus an t-údar a gceapann tú go mbainfeadh do phobal leas as an nGradam Speisialta 'Feasacht maidir le Bruscar Agent Brite' Is féidir iarratais a sheoladh go díreach chuig lauren@pelmfg.com

GRADAM DO DHAOINE ÓGA I MBAILTE SLACHTMHARA

DUAISCHISTE €5,000

Urraithe ag an Roinn Forbartha Tuaithe agus Pobail

Is ar an aoisghrúpa idir 16 agus 24 atá Gradam na nDaoine Óga dírithe, na daoine óga atá rannpháirteach i dtionscnaimh agus tionscadail ina ngrúpaí Bailte Slachtmhara i rith na bliana. Níl scoileanna ábalta cur isteach air. Ba chóir iontrálacha a sheoladh ar aghaidh ag baint úsáid as an bhfoirm iontrála Gradam na nDaoine Óga.

Is féidir grianghraif a úsáid chun tacú le bhur n-iarratas. Ba cheart d'iarratasóirí ar Ghradam na nDaoine Óga mar a chinntíonn grúpaí Bailte Slachtmhara go mbíonn baint ghníomhach ag daoine óga san aoisghrúpa 16 go 24 chun cur ar bhonn leanúnach le gníomhaíochtaí Bailte Slachtmhara áitiúla a léiriú, lena n-áirítear ballraíocht, nó rannpháirtíocht dhíreach sna Grúpaí. Ba cheart tionscnaimh a bhfuil an grúpa ag tabhairt fúthu chun daoine ón aoisghrúpa sin a spreagadh le go mbeidh baint níos mó acu sa choiste a chur san áireamh. Bronnfar an gradam ar an nGrúpa Bailte Slachtmhara a raibh méadú ar rannpháirtíocht daoine ón aoisghrúpa 16 go 24 mar thoradh ar na tionscnaimh a thug siad fúthu, agus a raibh toradh dearfach orthu dá bharr don ghrúpa Bailte Slachtmhara agus don phobal níos leithne ag léiriú mar is féidir le daoine óga ról ceannaireachta gníomhach a bheith acu sa phobal. Chun tuilleadh eolais a fháil féach ar **www.tidytowns.ie**

GRADAM NA NOILEÁN

DUAISCHISTE €1,500

Urraithe ag an Roinn Forbartha Tuaithe agus Pobail

Bronntar Gradam na nOileán ar an dá iontrálaí is airde scór ar oileáin iad nach bhfuil ceangailte leis an mórthír le droichead, atá scoite gach lá ón mórthír de bharr na taoide, a bhfuil cónaí buan air agus nach bhfuil faoin úinéireacht phríobháideach.

GRADAM NA GAELTACHTA

DUAISCHISTE €2,500

Urraithe ag an Roinn Turasóireachta, Cultúir, Ealaíon, Gaeltachta, Spóirt agus Meán

Bronntar Gradam na Gaeltachta ar an dá iontrálaí is airde scór ó cheantar Gaeltachta. Ní mór na Foirmeacha Iarratais a chomhlánú i nGaeilge.

DÚSHLÁN BAILE AN RIAI

DUAISCHISTE €5,000

Is féidir le Baile Beag (1,001 – 5,000) agus Baile Mór (5,001 – 15,000) amháin iarratas a dhéanamh ar an ngradam

Urraithe ag Institiúid Ríoga Ailtirí na hÉireann

Tá Institiúid Ríoga Ailtirí na hÉireann (RIAI) ag cur seirbhíse Ailtire Cláraithe ar fáil chun obair a dhéanamh le Coiste Bailte Slachtmhara áitiúil réiteach uirbeach dearthaí físi a chur le chéile ar fhadhb i do bhaile. Is ionann an duais agus coimisiún ailtireachta.

Má tá deacrachtaí ag do bhaile, le suíomhanna tréigthe, comharthaíocht, easpa spásanna poiblí, fadhbanna tráchta nó páirceála mar shampla, tabharfaidh an Gradam RIAI seo an deis duit dul i mbun oibre le hAiltire Cláraithe chun réiteach uirbeach dearthaí a fhorbairt a bheidh ábalta fadhb a réiteach agus slacht a chur ar do bhaile. Tá oiliúint faighte ag Ailtirí Cláraithe réitigh a fhorbairt agus a chur ar fáil maidir lenár dtimpeallacht thógtha.

Cuirfidh an tAiltire Cláraithe coimisiúnaithe anailís ar fáil maidir leis an bhfadhb mar a d'aithin an Coiste Bailte Slachtmhara í ar dtús, chomh maith le coincheap a fhorbairt chun aghaidh a thabhairt ar an bhfadhb. Cuirfear Tuarascáil le léaráidí ar fáil mar thoradh ar an gcoimisiún a chuirfear ar fáil go poiblí chomh maith le cur i láthair don Choiste Bailte Slachtmhara áitiúil.

Tá mar aidhm leis an nGradam Speisialta seo atá urraithe ag an RIAI dearadh uirbeach maith a chur chun cinn i mbailte na hÉireann. Is ionann an duais agus coimisiún ailtireachta de luach €5,000.

Chun iarratas a dhéanamh, scríobhfaidh an coiste Bailte Slachtmhara alt gearr a thugann léargas ar na dea-thréithe a bhaineann leis an mbaile chomh maith leis na fadhbanna (féach an fhoirm iarratais). Ba cheart seo a thacú ag baint úsáid as grianghraif.

Chun tuilleadh eolais a fháil téigh chuig **www.riai.ie** nó **www.tidytowns.ie**

GRADAM UM AGHAIDHEANNA SIOPAÍ AN RIAI

DUAISCHISTE €2,000

Is féidir le catagóirí Sráidbhailte, Bailte Beaga agus Bailte Móra iarratas a dhéanamh ar an gcomórtas seo. Urraithe ag Institiúid Ríoga Ailtirí na hÉireann

Is Gradam Speisialta é an Gradam um Aghaidheanna Siopaí an RIAI atá leagtha amach chun feachtas a ardú ar aghaidheanna siopaí maithe i mbailte agus i sráidbhailte na hÉireann agus iad a chur chun cinn. Tá sé i gceist le Gradam Comhoibrithe um Aghaidheanna Siopaí an RIAI tacú le Coiste Bailte Slachtmhara ar mhaith leis treoirlinne a chur ar fáil maidir le haghaidheanna siopaí a dhearadh i gcomhthéacs staire le cuidiú ó Ailtire Cláraithe.

Tá aghaidheanna siopaí stairiúla atá coinnithe go maith chomh bailí céanna le haghaidheanna siopaí nua-aimseartha atá deartha go maith. Is ionann an gradam agus coimisiún ailtireachta de luach €2,000 chun treoirlinne a fháil chun tacú le haghaidheanna siopaí i do cheantarsa. Cuirfear Tuarascáil le léaráidí ar fáil mar thoradh ar an gcoimisiún a chuirfear ar fáil go poiblí chomh maith le cur i láthair don Choiste Bailte Slachtmhara áitiúil.

Chun iarratas a dhéanamh, comhlíonfaidh an coiste Bailte Slachtmhara an fhoirm iontrála. Chun tuilleadh eolais a fháil téigh chuig www.riai.ie nó www.tidytowns.ie

GRADAM FHUINNEOGA MAITHE AN RIAI

DUAISCHISTE €500

Is féidir le catagóirí Sráidbhailte, Bailte Beaga agus Bailte Móra iarratas a dhéanamh ar an ngradam seo. Urraithe ag Institiúid Ríoga Ailtirí na hÉireann

Is gradam speisialta nua é Gradam Fhuinneoga Maithe an RIAI atá urraithe ag an RIAI chun cóiriú cuí na bhfuinneog i mbailte agus i sráidbhailte na hÉireann a chur chun cinn. Tá idir sheanfhoirgnimh stairiúla agus fhoirgnimh nua-aimseartha i mbailte agus sráidbhailte na hÉireann. Ó thaobh na hoiriúnachta de is ionann seanfhuinneoga atá coinnithe go maith agus fuinneoga nua-aimseartha atá deartha go maith.

Tá duais €500 ann don bhaile a bhfuil an líon is mó fuinneoga oiriúnacha mar a leanas ann:

- Sampla de sheanfhuinneog atá coinnithe go maith ar shráid uirbeach **agus**
- Sampla d'fhuinneog nua-aimseartha mhaith nó oscailt atá gloinithe go hiomlán ar shráid uirbeach.

Chun iarratas a dhéanamh, ba cheart don choiste Bailte Slachtmhara an fhoirm iontrála a chomhlánú, grianghraif de dhá fhoirgneamh atá lonnaithe ar shráid, foirgnimh ina bhfuil fuinneoga oiriúnacha, a chur ar aghaidh. Ba chóir go mbeifí ábalta na foirgnimh agus na fuinneoga a dhéanamh amach go soiléir sna grianghraif.

Is féidir leis an gcoiste bronnta an gradam a roinnt idir níos mó ná baile amháin de réir mar is cuí.

Chun tuilleadh eolais a fháil téigh chuig www.riai.ie nó www.tidytowns.ie

AN GRADAM UISCÍ AGUS POBAIL

DUAISCHISTE €7,000

Urraithe ag Iascach Intíre Éireann, Uiscebhealaí Éireann agus ag Clár Uiscí na nÚdarás Áitiúil

Tá an gradam seo oscailte d'aon ghrúpa pobail a léirigh meas ar a dtimpeallacht uisce agus dá n-oidhreacht uisce trí shampla a léiriú de thionscnaimh ar tugadh fúthu le linn 2021 (áirítear ar shamplaí: tacaíocht do bhithéagsúlacht agus oidhreacht uisce; eolaíocht saoránach; slatiascaireacht a chur chun cinn; imeachtaí agus tionscnaimh chun feachtas a ardú; dobharlaigh a ghlanadh; saoráidí a chur ar fáil nó a uasghrádú, etc.).

Chun tuilleadh eolais a fháil féach ar www.watersandcommunities.ie

GRADAM NÁ FÁG AON NÍ I DO DHIAIDH NA MBAILTE SLACHTMHARA

DUAISCHISTE €1,000

Urraithe ag Leave No Trace Ireland

Tá an “Gradam Ná Fág Aon Ní do Dhiaidh” ag tabhairt aitheantais don tsáriarracht a dhéanann grúpaí pobail chun an timpeallacht nádúrtha a chosaint agus a fheabhsú agus iompar freagrach faoin aer a chur chun cinn. Trí aitheantas a thabhairt do na pobail seo, féachann Leave No Trace Ireland le pobail eile a spreagadh bearta dochreidte a ghlacadh chun iompar freagrach faoin aer a chosaint agus a chur chun cinn. Déan iarratas inniu agus inis dúinn an méid atá bainte amach ag do ghrúpa.

Tá Leave No Trace Ireland ag tairiscint duaischiste €1,000 i mbliana chun rochtain a fháil ar Acmhainní Ná Fág Aon Ní do Dhiaidh agus an grúpa a thugann leis an duais a chur chun cinn ar fud na meán sóisialta.

Chun tuilleadh eolais a fháil téigh chuig **www.leavenotraceireland.org**

AN GRADAM OIDHREACHTA

DUAISCHISTE €1,000

Urraithe ag an gComhairle Oidhreachta

Féachtar leis an nGradam Oidhreachta, atá urraithe ag an gComhairle Oidhreachta, feachtas a ardú ar an tábhacht a bhaineann leis an oidhreacht áitiúil agus mar atá an oidhreacht sin ábalta cur le comhuintearais agus mórtas áite.

Foirgnimh, séadchomharthaí agus ábhar músaeim atá i gceist le hoidhreachta chomh maith le tírdhreacha, fiadhúlra agus coillearnacha dúchasacha, muirdhreacha, geolaíocht, garraithe agus páirceanna oidhreachta, uiscebhealaí intíre, béaloideas agus ceirdeanna.

Tugtar aitheantas do phobail áitiúla leis an nGradam Oidhreachta, pobail a dhéanann gné den oidhreachta a bhainistiú agus a fheabhsú ina gceantar féin, agus a dhéanann í a chur chun cinn i measc lucht spéise níos leithne.

Chun tuilleadh eolais a fháil seol ríomhphost chuig **vkelly@heritagecouncil.ie**

AN PLEAN PAILNEORA UILE ÉIREANN – GRADAM PAILNEORA AN ÚDARÁIS ÁITIÚIL

DUAISCHISTE €10,000

Urraithe ag Oifigí Oidhreachta agus Oifigí Bithéagsúlachta na nÚdarás Áitiúil ar fud na hÉireann i gcomhpháirtíocht leis an Ionad Sonraí Bithéagsúlachta.

Féachann Gradam Pailneora an Údaráis Áitiúil le grúpaí Bailte Slachtmhara a spreagadh chun gníomhartha atá báúil do phailniú a chur i bhfeidhm ar fud bailte agus sráidbhailte mar chuid den chomórtas Bailte Slachtmhara. Tá beacha fiáine na hÉireann, ríthábhachtach do phailniú ár bplandaí, ár gcrann agus ár nglasraí ach tá na beacha ag dul i léig – an chúis atá leis sin ná go bhfuil laghdú tubaisteach déanta ar na limistéir ar féidir le beacha a nead a dhéanamh agus ar an mbia a chuirtear ar fáil dóibh faoin tír. Is é aidhm an ghradam ná athrú a chur air sin trí ghrúpaí Bailte Slachtmhara a spreagadh bearta simplí atá báúil do phailneoirí a ghlacadh ina gceantair áitiúla féin. Tacaíonn Gradam Pailneora an Údaráis Áitiúil leis an bPlean Pailneora Uile Éireann ag a bhfuil urraíocht ó Oifigí Oidhreachta & Oifigí Bithéagsúlachta na nÚdarás Áitiúil ar fud na hÉireann.

Bronnfar €1,000 i ngach ceann den cheithre réigiún sa chatagóir Sráidbhaile/Baile Beag agus sa chatagóir Baile Mór/Lárionad Uirbeach Mór. De na hocht iomaitheoir sa bhabhta ceannais, bronnfar €1,000 breise ar an mbuaiteoir náisiúnta foriomlán. Tá “Gradam don Iontráil Nua Is fearr” freisin ann lena bhfuil duais €1,000.

Chun tuilleadh eolais a fháil féach ar **www.pollinators.ie**

GRADAM EACNAMAÍOCHTA CIORLÁN EPA

DUAISCHISTE €2,000

Urraithe le The Environmental Protection Agency

Tá Gradam Geilleagar Ciorclach an EPA chun aitheantas a thabhairt do phobail a rinne gníomhaíochtaí a thacaíonn le geilleagar ciorclach. I ngeilleagar ciorclach cuirtear cosc ar dhramhaíl agus déantar táirgí a athúsáid nó a dheisiú lena n-athúsáid. Trí dhramhaíl a chosc agus tacú leis an ngeilleagar ciorclach is féidir linn an leas is fearr a bhaint as ár n-acmhainní agus an comhshaol a chosaint. Tá aon tionscnaimh chun úsáid nó tomhaltas acmhainní (ábhair, táirgí, uisce, fuinneamh) a laghdú, acmhainní / táirgí a roinnt, athúsáid, deisiú nó athmhonarú san áireamh; cibé acu ag an bpobal, teaghlaigh, gnólaigh, scoileanna, le d'údarás áitiúil, nó eagraíochtaí eile. Féadfaidh obair a dhéantar faoin bpríomhchatagóir iomaíochta 'Inbhuanaitheacht - níos mó a dhéanamh le níos lú' a bheith ábhartha don dámhachtain speisialta seo.

Gheobhaidh an buaiteoir náisiúnta foriomlán duais €1,000, agus 2 dhuais dara háit náisiúnta de € 500 an ceann.

Le haghaidh tuilleadh sonraí féach a cep@epa.ie

Gradam Pobail San Áireamh

GRADAM SCOILE SÁBHÁIL NA BEACHA

DUAISCHISTE €5,000

URRAITHE AG SUPERVALU

Is tionscnamh é Gradam Scoile Sábháil na Beacha de chuid SuperValu a spreagann scoileanna an méid atá curtha i bhfeidhm acu i dtionscadail Bithéagsúlachta ina scoil a roinnt. Tá SuperValu ag lorg Bunscoileanna i mbliana a léiríonn an méad suntasach atá déanta ag tionscadail a forbraíodh sa scoil i dtreo na bithéagsúlachta agus chun aon phleananna amach anseo a roinnt chun an topaic sin a bhreisiú sna seomraí ranga.

Roghnófar grúpa don bhabhta ceannais as gach ceann den cheithre réigiún agus gheobhaidh gach grúpa díobh sin €1,000. Gheobhaidh an buaiteoir foriomlán €1000 breise ansin.

SUPERVALU AGUS ASIAM

DUAISCHISTE €2,000

Urraithe le SuperValu agus AsIAM Tá an dámhachtain speisialta seo chun aitheantas a thabhairt do shamplaí de chuimsiú inbhuanaithe ag coistí Bailte Slachtmhara i dtreo phobal an uathachais.

Tá sé mar aidhm ag an dámhachtain seo aitheantas a thabhairt don sár-obair a dhéanann coistí maidir le glacadh le pobal an uathachais agus é a áireamh. Tá SuperValu agus AsIAM ag obair i gcomhpháirtíocht chun pobail níos cuimsithí a chur chun cinn agus tá an dámhachtain seo chun aitheantas a thabhairt don obair chrua a dhéanann coistí atá ag déanamh athruithe chun uilechuimsitheacht phobal an uathachais a chur chun cinn agus a éascú.

Ina n-iontráil, ní mór do phobail a thaispeáint conas a chuir siad cuimsiú phobal an uathachais chun cinn.

Bronnfar duais de € 2000 ar choiste Bailte Slachtmhara a léiríonn an bealach is fearr le cuimsiú phobal an uathachais trí thionscadail agus tionscnaimh a thacaíonn le huathachas.

Tá acmhainní agus faisnéis maidir le cleachtais a thacaíonn le huathachas ar fáil ar **www.supervalu.ie** **www.AsIAM.ie** agus **www.ILoveClonakilty.ie**

Le haghaidh tuilleadh sonraí féach ar **www.BailteSlachtmhara.ie**, **www.AsIAM.ie** nó **www.supervalu.ie**